

# Drie lektore se kuns ten toon gestel

JOCHEM BERGER, Rolf Streuber en Louis Jansen van Vuuren, drie lektore aan die Kuns-departement van die Universiteit van Stellenbosch, stel hul werk tot die einde van hierdie week in die Universiteit se museum, op die hoek van Bird- en Dorpstraat, ten toon.

Berger en Streuber is ou bekendes, terwyl Van Vuuren, 'n oud-student aan die kunsskool, vir die eerste keer

hier sy werk vertoon.

Van Jochen Berger is daar 'n aantal werke in sy bekende styl, en ook enkeles wat ons al voorheen gesien het. In sy reeks, op die tema „kunsmatige landskappe“, gee hy 'n surrealiese stemming aan sy ruimtelike landskappe.

beeld baie; so ook voorwerpe wat deur gebrink verweer is en waarvan die oppervlak ooreenkoms toon met natuurlike voorwerpe en die natuurlike vorme wat 'n mens weer in masjienvervaardigde voorwerpe kan terugvind.

In *Kom... Vaar met*

hy bodemvondste uit die Koeberg-gebied in die vorm van 'n skelet gerangskik het. 'n Gesuggereerde fallus simboliseer die lewenskrag en 'n bladgoud horing bo-op die doos die transendentale strekking daarvan.

In albei werke is Streuber se styl-formele ordening en betekenis so presies in die onderdele dat dit geforseerd word. Tegelykertyd skiet die kunsaspek kort.

Hy gaan by wyse van spreke meer as versameelaar te werk wat geboei word deur dit wat hy vind, as wat hy as kunstenaar 'n kreatiewe sprankeling in die werke bring. Dit is jammer, want ten opsigte van die grondliggende idee en die pragtige vondste sou hy iets boeiends kon geskep het indien hy vryer te werk gegaan het.

## KONFRONTASIE

Jansen van Vuuren se skilderye probeer hard om trefende effekte te behaal met 'n direktheid van konfrontasie. Dit is waarskynlik so omdat hy nog 'n jong kunstenaar is en dat hy volgens die mode met klees en 'n styl werk wat om 'n „degree of smartness“ vra. Baie van sy geesdrif is in my oë nog ongebreideld.

In sy werk is daar swak geskilderde dele, en wat die tekening betref, is daar meer aandag bestee aan die konsep-effekte as aan die basiese kundighede wat hier en daar werlik steurend veronagsaam is.

*Gebonde Gebeurtenis en Herskepping van die Skoonheid* is die mees geslaagde van sy werke.



A GROUP-EXHIBITION featuring the work of three Stellenbosch artists opened at the Art Museum of the University of Stellenbosch last week. The picture, taken at the opening, shows the three artists, from the left, Louis Jansen van Vuuren, Rolf Streuber and Jochen Berger. The exhibition closes on October 15th.



'N GROEPTENTOONSTELLING van kunswerke deur die Stellenbosse kunstenaars Jochen Berger, Rolf Streuber en Louis Jansen van Vuuren is verlede Maandagaand met 'n skemeronthaal in die kunsmuseum van die Universiteit van Stellenbosch geopen. Dit duur tot 15 Oktober. Op die foto bo staan v.l.n.r. mnr. en mev. Jansen van Vuuren, mnr. Streuber en mnr. Berger.